



ӨМНӨГОВЬ АЙМАГ
ЭРҮҮЛ МЭНДИЙН ГАЗРЫН
ДАРГЫН ТУШААЛ

2025 оны 09 сарын 23 өдөр

Дугаар А/58

Даланзадгад сум

Эмнэлгийн нөхцөлд эндсэн 5 хүртэлх насны хүүхдийн эндэгдэл, амьгүй төрөлтийг магадлан хэлэлцэх зөвлөл, ажиллах журмыг батлах тухай

Эрүүл мэндийн тухай хуулийн 12 дугаар зүйлийн 12.1.4, 12.1.5 дахь заалт, Эрүүл мэндийн сайдын 2022 оны А/263 дугаар “Эмнэлгийн нөхцөлд эндсэн 5 хүртэлх насны хүүхдийн эндэгдэл, амьгүй төрөлтийг магадлан хэлэлцэх” тухай тушаалыг тус тус үндэслэн ТУШААХ нь:

1.Эмнэлгийн нөхцөлд эндсэн 5 хүртэлх насны хүүхдийн эндэгдэл, амьгүй төрөлтийг магадлан хэлэлцэх зөвлөлийн бүрэлдэхүүнийг нэгдүгээр, ажиллах журмыг хоёрдугаар хавсралтаар тус тус баталсугай.

2.Эхийн эндэгдэл болон ноцтой хүндрэл, 5 хүртэлх насны хүүхдийн эндэгдлийг бууруулах чиглэлд удирдлага арга зүйгээр ханган ажиллахыг Эмнэлгийн тусламж үйлчилгээний хэлтэс (Б.Батболд)-д үүрэг болгосугай.

3.Тушаалыг мөрдөж ажиллахыг анхан шатны эрүүл мэндийн төвүүдийн дарга, эрхлэгч нарт үүрэг болгосугай.

4.Тушаалын хэрэгжилтэд хяналт тавьж ажиллахыг Хяналт шинжилгээ, үнэлгээ, мэдээллийн хэлтэс (Б.Цагаанцэнд)-д даалгасугай.

ДАРГА Ц.ЖАВЗАНДУЛАМ



462501303

Эрүүл мэндийн газрын даргын
2025 оны 09 дүгээр сарын 23-ны өдрийн
158 дугаар тушаалын нэгдүгээр хавсралт

**ЭМНЭЛГИЙН НӨХЦӨЛД ЭНДСЭН 5 ХҮРТЭЛХ НАСНЫ ХҮҮХДИЙН ЭНДЭГДЭЛ,
АМЬГҮЙ ТӨРӨЛТИЙГ МАГАДЛАН ХЭЛЭЛЦЭХ ЗӨВЛӨЛИЙН БҮРЭЛДЭХҮҮН**

Зөвлөлийн дарга:

Эрүүл мэндийн газрын Эмнэлгийн тусламж
үйлчилгээний хэлтсийн дарга

Гишүүд:

ЭТҮХ-ийн Анхан шатны тусламж, үйлчилгээ
хариуцсан мэргэжилтэн

ХШҮМХ-ийн Статистикч эмч, мэргэжилтэн

БОЭТ-ийн Чанарын албаны менежер

БОЭТ-ийн эмгэг судлаач эмч

Холбогдох эрүүл мэндийн төвийн дарга, эмчлэгч
эмч, эх баригч

Холбогдох эрүүл мэндийн төвийн статистикч/ дүн
бүртгэгч/

Шаардлагатай тохиолдолд бусад холбогдох
мэргэжилтэн

Нарийн бичгийн дарга:

ЭТҮХ-Хүүхдийн асуудал хариуцсан мэргэжилтэн
(Хүүхдийн эндэгдэл хэлэлцэх үед)

ЭТҮХ-Эх барих эмэгтэйчүүдийн асуудал хариуцсан
мэргэжилтэн эсвэл Нөхөн үржихүйн ерөнхий
зохицуулагч (нярайн эрт үеийн эндэгдэл, амьгүй
төрөлт)

Эрүүл мэндийн газрын даргын
2025 оны 09 дүгээр сарын 23-ны өдрийн
158 дугаар тушаалын хоёрдугаар хавсралт

ЭМНЭЛГИЙН НӨХЦӨЛД ЭНДСЭН 5 ХҮРТЭЛХ НАСНЫ ХҮҮХДИЙН ЭНДЭГДЭЛ, АМЬГҮЙ ТӨРӨЛТИЙГ МАГАДЛАН ХЭЛЭЛЦЭХ ЗӨВЛӨЛИЙН АЖИЛЛАХ ЖУРАМ

Нэг.Ерөнхий зүйл

Хүүхдийн эндэгдлийг магадлан хэлэлцэх зөвлөлийн хурал нь эмнэлгийн нөхцөлд эндсэн 5 хүртэлх насны хүүхдийн эндэгдэл, амьгүй төрөлтийн тохиолдол бүрт тусламж үйлчилгээг чанартай, зөв үзүүлсэн эсэхийг хянаж, хэлэлцэн, үнэлэлт, дүгнэлт өгөх үйл ажиллагаа юм. Байгууллагын бодлого, хөтөлбөр, төлөвлөгөө нь зөв боловч хэрэгжих арга зам нь тодорхой бус, мэдлэг, ур чадвар хангалтгүй, гардан ажилбар буруу хийсэн, биеийн байдлыг байдлыг үнэлж чадаагүй, тушаал, шийдвэр, стандарт, заавар, журам, удирдамж, мөрдөөгүй зэрэг удирдлага, зохион байгуулалт, эмнэлгийн тусламж, үйлчилгээний болон эмч, мэргэжилтний мэдлэг, ур чадварын алдаа дутагдлыг дүгнэж, засаж залруулах, шуурхай арга хэмжээ авах, давтагдахаас сэргийлэх тогтолцоог эрүүл мэндийн байгууллага бүр хэрэгжүүлнэ.

Хоёр.Зорилго

Магадлан хэлэлцэх зөвлөлийн хурал нь эмнэлгийн нөхцөлд эндсэн 5 хүртэлх насны хүүхдийн эндэгдэл, амьгүй төрөлтөнд нөлөөлсөн шалтгааныг магадлан хэлэлцэж, дүн шинжилгээ хийж, алдаа дутагдлыг давтагдахаас сэргийлэх, цаашид авах арга хэмжээ, зохион байгуулах ажлыг төлөвлөж, тусламж, үйлчилгээний чанарыг сайжруулах, эмч, эмнэлгийн мэргэжилтний мэдлэг, ур чадварыг тогтмол дээшлүүлэх зорилготой.

Гурав.Магадлан хэлэлцэх зөвлөлийн ажиллах журам

3.1.Сум болон өрхийн эрүүл мэндийн төвүүдэд эндсэн 5 хүртэлх насны хүүхдийн эндэгдэл, амьгүй төрөлтийг эрүүл мэндийн газар зохион байгуулж, улиралд 1 удаа зөвлөлийн хурлыг хийнэ.

3.2.Зөвлөлийн хурлаар дараах асуудлыг хэлэлцэнэ.

- Тав хүртэлх насны хүүхдийн эндэгдэлд, амьгүй төрөлтийн шалтгааныг магадлан хэлэлцэж дүгнэлт гаргана.
- Нөлөөлсөн хожимдлыг тодорхойлж, үзүүлсэн тусламж, үйлчилгээний чанарт үнэлэлт, дүгнэлт өгч, 5 хүртэлх насны хүүхдийн эндэгдэл, амьгүй төрөлтийг бууруулах талаар шийдвэр гаргана.
- Оношилгоо, эмчилгээтэй холбоотой сургамж, дүгнэлт хийж, зөвлөмж гаргана.
- Дүгнэлтэд үндэслэн асуудлыг хэрхэн шийдвэрлэх арга замыг тогтоож, цаашид зохион байгуулах ажлын төлөвлөнө.
- Өмнөх хурлаас гаргасан шийдвэрийн хэрэгжилтийг үнэлнэ.

3.3.Магадлан хэлэлцэх зөвлөлийн бүрэлдэхүүний гүйцэтгэх үүрэг

3.3.1.Зөвлөлийн дарга нь хурлыг удирдан зохион байгуулах, бэлтгэл ажил, шийдвэрт хяналт тавина.

3.3.2.Зөвлөлийн нарийн бичиг нь харьяа эрүүл мэндийн байгууллагаас хурлын тэмдэглэл, шийдвэрийг хүлээн авч, зөвлөлийн гишүүдэд урьдчилан танилцуулж, хурлаар хэлэлцэх асуудлын төлөвлөгөөг гарган, зөвлөлийн даргаар батлуулан, танилцуулна.

3.3.3.Зөвлөлийн гишүүд ирүүлсэн материалтай бүрэн танилцаж, өөрийн хариуцсан ажлын чиглэлээр үнэлэлт, дүгнэлт өгч, цаашид хэрэгжүүлэх үйл ажиллагааны зөвлөмжид санал өгөх, өмнөх хурлын шийдвэрийг биелүүлэх, хэрэгжилтийг хангаж, тайлагнана.

3.3.4.Төрийн өмчит эрүүл мэндийн байгууллагын мэдээ, тайлан хариуцсан мэргэжилтэн нь бүртгэл, мэдээллийн үнэн бодит байдалд хяналт тавьж ажиллана.

3.3.5.Асуудлыг хурлын төлөвлөгөөний дагуу танилцуулга, асуулт хариулт, санал дүгнэлт, шийдвэр гэсэн дарааллаар хэлэлцэх бөгөөд дор дурдсан шаардлагыг хангасан байна.

- Тохиолдлын талаарх танилцуулгыг эмчлэгч эмч танилцуулах
- Өвчний түүх болон бусад холбогдох мэдээллийг бэлтгэх
- Дотооддоо хэлэлцсэн хурлын шийдвэр, авсан арга хэмжээний хэрэгжилтийг үнэлсэн байх

3.3.6.Хэрэв тусламж үйлчилгээний ноцтой алдаа, зөрчил гарсан гэж үзсэн тохиолдолд эрүүл мэндийн байгууллагын холбогдох удирдлага, эмч нарыг оролцуулан өргөтгөсөн хэлбэрээр зохион байгуулна.

3.3.7.Хурлын тэмдэглэлийг зөвлөлийн нарийн бичгийн дарга хөтлөх бөгөөд хурал удирдагч, нарийн бичгийн дарга гарын үсэг зурж баталгаажуулна.

3.3.8.Хурлын тэмдэглэлд дор дурдсан зүйлс зайлшгүй тусгагдсан байна.

- Ирцийн байдал / Зөвлөлийн гишүүдийн тоо, хувь, хуралд оролцсон хүмүүсийн овог, нэр, албан тушаал/
- Хурлын явц, эхэлсэн, дууссан цаг
- Хурлын дүгнэлт, шийдвэр, сургамж

3.3.9.Хурлын шийдвэрийг баримтжуулан, холбогдох эрүүл мэндийн байгууллагад зөвлөмж өгч, мэргэжил аргагүйгээр ханган, гүйцэтгэлийн хяналт тавьж ажиллана.